



REPUBLIKA E SHQIPËRISË

KËSHILLI I LARTË I PROKURORISË

Nr. 251 / Prot. 11

Tiranë, më 05.02.2026

VENDIM

Nr. 23 , datë 29.01.2026

**“PËR CAKTIMIN E PËRKOHSHËM NË POZICIONIN E DREJTUESIT TË
PROKURORISË PRANË GJYKATËS SË SHKALLËS SË PARË TË JURIDIKSIONIT
TË PËRGJITHSHËM DURRËS”**

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar
5. Arta MANDRO	Anëtar (në mungesë)
6. Ledina RIZA	Anëtar
7. Moisi DUDA	Anëtar
8. Vatë STAKA	Anëtar
9. Olger EMINAJ	Anëtar
10. Erind MERKURI	Anëtar
11. Erion FEJZULLA	Anëtar

Në mbledhjen plenare të datës 29.01.2026, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

**“Për caktimin e përkohshëm në pozicionin e drejtuesit të Prokurorisë pranë Gjykatës së
Shkallës së Parë të Juridiksionit të Përgjithshëm Durrës”**

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 251 prot., datë 22.01.2026, të Komisionit të Zhvillimit të Karrierës, dëgjoi relatorin z. Sokol Stojani, si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë (*në vijim, Këshilli*) është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Rezulton se, drejtuesi i mëparshëm i Prokurorisë pranë Gjykatës së Shkallës së Parë të Juridiksionit të Përgjithshëm Durrës është emëruar nëpërmjet procedurës së ngritjes në detyrë në pozicionin e prokurorit në Prokurorinë e Posaçme kundër Korrupsionit dhe krimit të Organizuar, duke krijuar vakancë në pozicionin në fjalë.
3. Me qëllim plotësimin e saj, Këshilli caktoi përkohësisht prokuroren Suela Beluli në pozicionin e Drejtuesit të kësaj zyre prokurorie fillimisht, me Vendimin nr. 189 datë 31.07.2024, dhe më pas me vendimet vijuese me nr. 229, datë 29.10.2024, nr. 18, datë 30.01.2025, nr. 81, datë 29.04.2025, nr. 206, datë 25.07.2025, dhe së fundi me Vendimin nr. 322, datë 23.10.2025, për një periudhë tre mujore duke filluar nga data 02.11.2025.
4. Duke qenë se në përfundim të afatit të caktuar me Vendimin nr. 322, datë 23.10.2025, cituar më sipër, ky pozicion mbetet sërish vakant në datë 02.02.2026, bëhet i domosdoshëm plotësimi i tij, përmes mekanizimit të *caktimit të përkohshëm*. Ky rregullim bëhet me qëllim garantimin e funksionalitetit normal të kësaj zyre prokurorie deri në plotësimin e përhershëm të këtij vendi vakant nëpërmjet procedurës së ngritjes në detyrë.
5. Me Vendimin nr. 236, datë 13.11.2024, "*Për shpalljen vakant të pozicionit Drejtues në Prokurorinë pranë Gjykatës së Shkallës së Parë të Juridiksionit të Përgjithshëm Durrës*", Këshilli ka shpallur vendin vakant, për drejtues në zyrën e Prokurorisë Durrës, bazuar në Ligjin nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar dhe Vendimin nr. 200, datë 23.09.2020, "*Për miratimin e Rregullores "Mbi kriteret dhe procedurat e ngritjes në detyrë në pozicionin e drejtuesit në prokuroritë e juridiksionit të përgjithshëm"*".

Në përfundim të afatit kanë shprehur interes për këtë vend vakant dy prokurorë për të cilët, procedura administrative për verifikimin e plotësimit të kushteve dhe kriterëve ligjore është në realizim e sipër nga ana e Këshillit.
6. Në këto kushte, Këshilli vlerëson të vijojë procedurën për plotësimin e vakancës së Drejtuesit të zyrës së Prokurorisë Durrës, nëpërmjet caktimit të përkohshëm të një prokurori.
7. Në nenin 59, pikat 1 dhe 4, të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar, parashikohet se:

“1. Pozicioni i magistratit mund të plotësohet përkohësisht, kur magistrati me pozicion të përhershëm nuk është në gjendje të ushtrojë funksionin për një periudhë jo më shumë se tre muaj, për shkak të:

- a) caktimit në pozicione të tjera;*
- b) arsyeve të tjera të parashikuara nga ligji.*

.....

4. Këshilli merr vendim për rastet e parashikuara në pikën 2, të këtij neni, si dhe përcakton datën e fillimit dhe datën e mbarimit të periudhës kohore, në të cilën pozicioni mund të plotësohet përkohësisht.”

8. Neni 42 pika 2, i ligjit të sipërpërmendur përcakton se:

“ 2... Pozicioni është përkohësisht i lirë kur magistrati që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion.”

9. Ndërsa, neni 3 i Vendimit nr. 64, datë 15.04.2019, “Për miratimin e Rregullores “Për caktimin e përkohshëm të prokurorëve”, i ndryshuar, përcakton se:

“1.Prokurori mund të caktohet përkohësisht në çdo pozicion të të njëjtit nivel ose të një niveli tjetër, për të cilin përmbush kërkesat dhe kriteret e parashikuara në ligj për këtë nivel apo pozicion, në të njëjtën prokurori ku ushtron funksionin ose në një prokurori tjetër.

2.Këshilli i Lartë i Prokurorisë respekton për aq sa është e mundur vullnetin e prokurorëve gjatë caktimit të përkohshëm.”

10. Për të garantuar qëndrueshmërinë dhe vijueshmërinë për aq sa është e mundur në drejtimin e kësaj zyre, Komisioni i propozoi sërish Këshillit, caktimin e përkohshëm në këtë detyrë të prokurores Suela Beluli, e cila ka mbi 9 vite vjetërsi si magistrat dhe nuk ka masë disiplinore në fuqi.

11. Sa më sipër, duke qenë se prokurorja Suela Beluli plotëson kriteret e përcaktuara nga ligji për këtë pozicion, Këshilli vlerësoi si të bazuar caktimin e saj në pozicionin e Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Durrës, për një periudhë deri në tre muaj duke filluar nga data 02.02.2026. Gjatë kësaj periudhe, prokurorja Suela Beluli do të përfitojë pagën si Drejtues i zyrës së prokurorisë.

PËR KËTO ARSYE:

Bazuar në nenin 149/a, të Kushtetutës, në nenet 42, pika 2 dhe 59, pikat 1 dhe 4, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, në nenet 164 pika 8, 166 pika 2, 184, 189 pika 1, germa “a” të Ligjit nr. 115/2016 “Për organet e qeverisjes së sistemit të drejtësisë” i ndryshuar, si dhe nenin 3, të Vendimit nr. 64, datë

15.04.2019, "Për miratimin e Rregullores "Për caktimin e përkohshëm të prokurorëve", e ndryshuar, me propozim të Komisionit të Zhvillimit të Karrierës, Këshilli i Lartë i Prokurorisë,

V E N D O S I:

1. Caktimin e përkohshëm të prokurorit Suela Beluli në pozicionin e Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Durrës, për një periudhë deri në tre muaj, duke filluar nga data 02.02.2026.
2. Për periudhën e përmendur në pikën 1, të këtij vendimi, prokurori Suela Beluli të paguhet me pagën e pozicionit ku është caktuar përkohësisht.
3. Të njoftohen me këtë vendim Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Durrës dhe prokurori Suela Beluli
4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 29.01.2026.

KËSHILLI I LARTË I PROKURORISË

KRYETAR
Mirela Bogdani

ZV/KRYETAR
Erind Germenji

ANËTAR
Sokol Stojani

ANËTAR
Zeqir Hoda

ANËTAR
Ledina Riza

ANËTAR
Moisi Duda

ANËTAR
Vatë Staka

ANËTAR
Olger Eminaj

ANËTAR
Erind Merkuri

ANËTAR
Erion Fejzulla